

"Wae had det gedach!"

Liedjesavond



**Zaoterdag
30 september 2023
in 'T Raodhoes**

**Vastelaovesseizoen
2023-2024**

de
**BLIËRICKS
VASTELAOVESGEZELSCHAP**
Wortelepin



JacobsVerzekerd
assurantiën & hypotheken



Leef Wortelepinne en Wortelepinkes,

Veur óg leet 't programmabukske veur de Liedjesaovend van Vastelaovesgezelschap "de Wortelepin".

Gruuets zien weej um óg weer 11 fantastische finaliste te kinne prissentere heej in ós Wortelekoel. De Bliërickse traditie van Vastelaovesliedjes geit truuik nao begin jaore '60. In de loup der jaore zien d'r tal van prachtige liedjes geschreve, gecomponeerd en gezónge. Dees liedjes zien ónlosmakelijk verbónde met ózze Bliërickse Vastelaovend.


Vanaovend zal d'r weer 'n houfstök beejgeschreve waere aan die moeëje Bliërickse traditie en geej ziet dao getuge van zien. De veer winnende liedjes kómme op ós CD die vanaaf 11 november te koup is. De winnaar geit vanaovend aan de haol met de wisseltrofee "De Giel". Ouk dit jaor is "De Giel" weer meugelik gemak door VieDenta Kliniek en wuurt oetgereik aan de makers van 't beste Vastelaovesliedje.

De finale zal ouk live waere oetgezónde op tillevisie door Omroep Venlo, zoeëdet de Bliërickse liedjes in alle hoeskamers in Bliërick en Venlo en vaer dao boete te hure en te zeen zien.

Gaer wil ik alle vreejwilligers, artieste, schrievvers, componiste, arrangeurs en alle partieë die zich de letste maonde hebbe ingezatte um de Liedjesaovend meugelik te make hertelik danke!

Ónder 't motto "**Wae had det gedach!**" winse weej óg 'ne fantastische avond heej in 't Raodhoes.

Vors Carotius VIII, Maurice Holthuijsen



Vakjury liedjesaovend Zaoterdaag 30 september 2023

Martin van Boekholdt

Twan Relouw


Dennis Hovens

Peter Brans

Tim Peeters

Laura Hendrikx

Linda Joosten



Adoptant wisseltrofee 'de Giel'



VieDentaKliniek
jouw leven, jouw lach

D'n allerschoeënste waeg

Couplet:

Ik woeën nog altied wao ik bin gebaore,
in det plaetske aan de Maas.
Det kin mich altied nog bekaore,
Umdet 't is gebleve wie 't waas.
Det geveul zal noeëts vergaan
As ik dae waeg nao hoes toe gaon

Refrein:

D'r is neet eine waeg, zoeë wónderschoeën
Dan dae waeg nao dao, nao wao ik woeën
As ik dae gaon kóm ik oet beej mien eige hoes
en allein op die plek veul ik mich thoes.
Ik drei d'r neet um haer, maar ierlik,
Toevallig llop dae waeg nao Bliërick
D'r is neet eine waeg, zoeë wónderschoeën
Dan dae waeg nao dao, nao wao ik woeën

Couplet:

Ik heb heej alles was se dich kins winse
D'r is nikks wao 't mich aan schort
Was se ouk wils of duis det kins se
En daorum kump heej nemes wat te kort
En al kóm ik ens van wied
Nae deze waeg waer ik noeëts kwiet:



Zang:

Resy Lucassen,
Ruuth Lucassen en
René Hutjens

Det is effe winne

Couplet:

Mien jeske woort wat kaal,
Leep d'r beej , jao veur schandaal,
Ik heb d'r bieëstig aan gesjoesterd en versteld,
En noow maar kieke wie det velt

Refrain:

Det is effe winne,
Wie zoel det toch kinne:
Alle maedjes halde mich gaer vas!
Wis neet van te veure,
Det det kós gebeure,
Zoel det ligge aan dae nieje jas?
Of dink geej det det neet aan ózze Vastelaovend leet?
Wat kan mich det bómme,
Laot ze noow maar kómme,
Oet doon ik dae jas aswoensdaag pas.

Couplet:

Ein maedje wet dao van
Kleier make toch de man.
Dus zet wat op de kop, det guf ein good figuur,
Met dienen eige Hood Couture.



Zang:

Bart Janssen en
Willy Billekens

Cliché op 't Swaree

Couplet:

Idder jaor zien weej aan 't prakkezere
Wae de prins en adjudante noow weer waere
Weej dinke dan det weej 't waal weer weite
Ós ideje zien nao dreej daag alweer pleite
Och wiste weej noow maar wae det 't wuurt
Want weej hebbe 't al ierder 's gehuurd

Refrain:

't Is cliché, op 't Swaree
Weite weej al wae die zien, det zien die dreej
't Is 'n feit, de wets geheid
Wae de stumming op de bühne mak wie det geit
Is 't dae of zien 't die of zien 't zeej?
Wat weej weite is die kómme vas van heej
't Is cliché, op 't Swaree
Kóm vertel ós toch wae zien dit jaor die dreej
(ind: Is 't dae of zien 't die of zien 't zeej?)

Couplet:

Idder jaor zien weej aan 't fantaseere
Wae die dreej zien die ós straks gaon amusere
Weej zien dan weer de name aan 't bedinke
En laote alle hints ens good bezinke
Och wiste weej noow maar wae det 't zien
Van al det dinke duit ós köpke toch zó'n pien

Want as weej wiste wat de Vors zich had bedach
Dan hadde weej det óg, toch lekker neet gezag!



Zang:

Marc Houwen,
Marion Nissen,
Leon Theuws en
Sandra Schattenkerk-Rutten

Noeëts mier Vastelaovend

Couplet:

Daen eine Vastelaovend, ik weit 't nog hiel good
Det de kastelein d'n allerierste veur mich zoot
Toen al wis ik zeker, des neet de letste kier
Dae goje mins dae bringk d'r vas nog mier

Zoeë waas 't en zoeë bleef 't,
wat waas daen aovend good
Weej hebbe gelache en geknoeveld en geproos
Daags d'r nao waas minder,
toen veulde ik mich slech
Maar ein gedachte ging neet beej mich weg

Refrein:

Ik vier noeëts mier Vastelaovend
Ech nae noeëts mier Vastelaovend
Nooëts, nae noeëts, nae noeëts mier vier ik
zónder dich!

Couplet:

Noow vier ik Vastelaovend en bin ik knatsverleef
Det is wat d'r van daen aovend met dich euverbleef
Heb ouk genne twiefel de kater of dae lach
't Kin bes allebei heb ik bedach

Brök:

En as ik jaore later, wievuel weit ik nog neet
In det ein kefeke staon as det d'r dan nog leet
Zal ik effe dinke, as ik dich dao zeen staon
Wat dae kastelein toen haet gedaon



Zang:

Evelyn Theunissen,
Wouter de Wolf en
Arno Arts

Jónk en ald geit same stappe

Couplet:

De jeug die llop te feeste
Met eur oudjes in d'n erm
Zoeë bringk de Vastelaovend ós beejein
We springe in de zónneschien
Ós hertje lekker werm
Dolle daag veur groeët en klein



Zang:

Paul van Steenkiste,
Han Spaaij,
Stan Dekkers en
Marieke Verkoeijen

Refrain:

Jónk en ald geit same stappe
Weej hebbe alle sleur
Met nieje kleur verkleid
Good gespaard is good berappe
As d'n ermoed effe euver is geweid
Noow kiek ós jóngeluuj
Met Treeske en met Truuj
Jónk en ald op joeks-meziek
Jao wae had det gedach, gezónge en gezag
Vastelaovend mak ós riek!

Couplet:

Weej hebbe ózze slinger
Morrejen dao gaon we haer
Ós ganse ginnerasie steit paraat
Kösmöele in de maoneschien
Det duit de leefde gaer
En 't leefs van vruug wies laat

Dien ouge

Refrain:

Dien ouge, diene lach,
zegge mier as doezend wäörd
Dien hert det wink nao mich,
zaet mich dan, ik huur beej dich
Vastelaoves leefde, zoeë zien weej begós
Noow veult de Vastelaovend wie ein deil van ós
Al heb ik jaore mótté wachte
Heej met dich in mien gedachte
Hingk d'r noow weer leefde in de lóch
Ik krieg van dich mien laeve lang toch zeker noeëts genóg



Zang:

Roy van den Broek

Couplet:

't Morgezunke steit d'r al en zaet ós gojendaag
Ik kniep nog ens mien ouge toe en zeen dan met bedraag
Det maedje det mich gister nog zoeë lekker haet gekös
As ik neet efkes beej um bin dan heb ik genne rös
Wie ik um trof op 't Swaree wis ik 't metein
wat Vastelaovend haet gemak blief ein laeve lang beejein

Couplet:

Bliërick plaetske aan de Maas dich haes mich vuuel gebrach
Wao ik allein van druime kós, bezörg mich noow dae lach
Wao ik dich lierde kinne, leid en joeks noow met dich deil
Gelök, verdreet en hertepien wao ik dich dan van heil .
Geveul det dan de Pin ós bringk det is 't veur mich
De joeks haet ós beejein gebrach, Vastelaovend det bis dich

Wae wet wao ik waas

Couplet:

Ik gaon hiel gaer op stap
Gaon euveral dan haer
Ik staon gezellig aan d'n tap
Verteer, dan minnig glaeske beer
Mei dan waere det d'r mier
Maar ja, de laefs maar eine kier

Refrain:

't Haet mich altied al verbaas
Det ik noeëts weit, wao det ik waas.
Dao waer ik thoes dök mei geplaoog
As mich det weer ens wuurt gevraog
Dan staon ik met de mónd vol tand
En vind det zelf bes frappant
Wie 't besteit....., ik noeëts weit.....,
in welke kroeg ik bin gestrand.

Couplet:

Lets waas 't weer zoeë wied
Ik woort d'r oet gevaeg
Want 't waas d'n hoeëgsten tied
en idderein zóch ziene waeg.
Wie ik dach: "Noow bin ik thoes",
Stónd ik veur't verkierde hoes



Zang:

Lonneke van Doorn,
Annette Hermans,
Ruud Geeraerts en
Marcel Schuurmans

Weej straole weer

Brök:

Geneet van plezeer
In d'n tied van 't jaor
Prachtige daag joeksbelaoend
Vrindschap rak weer
Die geveulige snaor
Zeg dan: bedank Vastelaovend



Zang:

Marina Claessen

Refrein:

Weej straole weer
Det veult ós hert zoeë gaer
Weej straole weer
Laeve de knoevelaer
Minse wae had det gedach
Ik straol wie ein ster vannach
Dao lach ós laevesgelök
Wae had 'm verwach? Dae straolende lach!

Couplet:

't Zunke schient euver d'n haof dans door 't veld
Ein bleumke det bleujt lekker aop weg oet de keld
Vastelaovend in 't land, det mak 't laeve kwant
Bringk ós 'n blie gemood
Wat geit 't ós dan good...good...good!

Couplet:

Weej halde ós deerbare plek joeksig in staot
Weej make de keie nog gek in iddere straat
Vastelaovend speult 't klaor jaore en idder jaor
Bringk haer det blie gemood
En zaet: 't geit ó good...kei...good!

Jao det is Bliërick

Couplet:

Noow kiek ens aan, heej bin ik weer,
weer truuks van weg gewaes.
Heej veul ik alle kriebels weer,
wie in een polonais.
Loup ik heej door de Kloeësterstraot,
dan bin ik drek weer thoes.
In dezen tied veul ik dan weer,
dae "Vastelaoves Blues"



Zang:

Evelyn Theunissen
en Hans Aerts

Couplet:

Met Vastelaovend gaon ik door,
wies det 't nimmer geit
Met vrinde wies 't letste oor,
wies det 't klökske sleit.
Dan höf ik heej mien letste glaas,
nog efkes doeën beejein.
Dan weit ik weer wie moeëj 't waas,
zoeë same ónderein.

Couplet:

Jao op vekansie gaon ik gaer,
det doon ik idder jaor.
't Leefste dan hiel lekker vaer,
en smeis nog effe door.
Met Vastelaovend gaon ik neet,
dan blief ik lekker heej
Dan weit ik waal wao det aan leet,
vier ik met luuj wie gee!

Refrein:

Jao det is Bliërick, Bliërick duit mich good
Wao ik mien laeve lang van hald
Dich zits mich in 't blood.
Jao det is Bliërick, Bliërick GRANDIOOS
Heej kóm ik toch weer altied truuks
Let op dao geit 't loos!

SMS: LIEDJE (spatie) 9 nao 3669



Noow we d'r toch zien

Couplet:

D'n optoch is veurbeej, vol prach en kleure
Dus tied um nao 't Raodhoes haer te gaon
Maar ja, det kins se weite van te veure
Dao mós se achter in de rie gaon staon.
En det geschravel ging ech neet zoeë rap,
Ein eurke later ware weej pas beej d'n tap

Zang:

Teun Paulussen en
Steve Spengler

Refrain:

Noow we d'r toch zien, blieve we ouk heej
Weej twieje same passe heej d'r ech waal beej
Noow we d'r toch zien, blieve we ouk staon
Ik heb genne zin um gans det stök weer truuken te gaon.
Dus laote weej 't heej maar ens probere,
Met ós d'r beej kin 't allein maar baeter waere
Wae ós neet wilt heej, dae haet dan maar pech
Zoelang heej idderein wilt zien gaon weej neet weg.

Couplet:

We reje weg, d'n bril waas hae verlaore
Toch reej ik fijn veurop de gansen tied
Det is mich toen 't ritje waal gewaore
D'n iersten drei waas ik de waeg al kwiet
En dao inens stónd ik door dezen breur
Dao in Holt Bliërick beej 't Getske veur de deur

Couplet:

Det feesje beej ós naeve waas te hure
We hadde haos de pliesie al besteld,
Maar ja 't zien en blieve toch dien bure,
Dus hiel veurzichtig zelf maar aangebeld.
Veurdet ik beej mien klach waas aanbeland
Stónd hae al binne met ein pilske in de hand



As ik 'n viltje zeen

Couplet:

As ik 'n viltje zeen, móit ik geliek al dinke
"Dao huurt toch nog iets beej,
wat waas det ouk alweer?"
Inens krieg ik dan zin um wat te drinke
en veur det ik 't weit, zit ik al aan 't beer
Det is dan ech gen willekeur,
maar wao zien toch die viltjes veur?

Refrain:

Want....wao 't heej vandaag euver geit
Is det pilske, det dao te wachte steit
Det zal ouk óg neet zien óntgaon
det det golde gele vóch, neet lang kin blieve staon
Want wat zoel ik d'r van bale,
as det beer stónd te verschale
Det neemp neet weg det ik gaer weit
Waorum 'n pilske op 'n viltje steit?

Couplet:

't ganse jaor bin ik toch zónne serieuze,
maar dreej daag in 't jaor, bin ik 'nnen andere mins
Normaal drink ik allein nog maar gazeuze
Maar met dees daag bin ik det aevel neet van zins
Dan hald ik mich allein aan beer
Want prik det smak dan nörges haer!

Zang:

Marc Houwen,
Marion Nissen,
Leon Theuws en
Sandra Schattenkerk-
Rutten

JUMBO

BENDERS BLERICK

DYNAMIC

beeld, licht & geluid

SierenSo

MODE ACCESSOIRES



Glorious Home

Sfeer voor elk moment.

Droogbloemen | Woondecoratie |
Workshops | Bruidstaartstyling |
Afscheidsbloemen

www.glorioushome.nl | Keuleman 2, Helden



GEBA TRANS

your transport, our business

ADMIE

ZODAT JIJ KAN
ONDERNEMEN

DE LIEDJESAOVEND IS MEI MEUGELIK GEMAK DOOR DE VOLGENDE SPONSORE



Multimodal Container Transport



JacobsVerzekerd
assurantiën & hypotheken



GEBA TRANS

your transport. our business

* EST. 2016 *

BROUWERSPLAATS
SPECIAALBIER CAFE
VENLO



SierenSo
MODEACCESSOIRES



Glorious Home

Steer voor elk moment.

Droogbloemen | Woondecoratie |
Workshops | Bruidsstyling |
Afscheidsbloemen

WWW.WORTELEPIN.NL
 /dewortelepin

de
Wortelepin
BLIËRICKS
VASTELAOVESGEZELSCHAP